

## Sam me In are Nenien Fotek<sup>1</sup>

Jennifer Roback Morse

Ruth Institute

### Abstract

*The article seeks to address a secularized culture that has devalued the importance of the traditional form of family. It attempts to articulate reasons that would be intelligible to such a culture as to why it should examine the social policies that have contributed to the undermining of stable family life. It argues that every culture of necessity has an interest in transmitting a social conscience to the next generation. The best vehicle for ensuring such a development is an intact family based on the marriage of the biological father and mother of the children in that family. Failure to foster and safeguard successful families leaves societies with prisons as the only option to defend the common good. This option, the author argues, is both expensive and only marginally successful.*

Ekkoch aramas ra mefi pwe ewe nenien fotek siwinin Sam me In. Ei memmef epwe tongeni anisikch won ruu ekkiek. Awein, ika Sam me In rese nom fengen, me angang fengen, nour we epwe marita nge epwe tori osukosuk iwe epwe tonong non Nenien Fotek. Ika ese wor aninis seni ekkwe Sam me In, ewe nau epwe ekieiki pwe ewe Imwen Fotek ina an nenien kinamwe. Aruwan, ika ewe nau epwe tonong non Imwen Fotek, nge mi chok kukkun ika otun a watte, iwe ewe Imwen Fotek epwe tongeni nemeni mwokutukun ewe nau , ren an epwe finata met epwe fori non manauan.

Ewe Nenien Fotek esapw tongeni siwini ellentin an Sam me In tumun ngeni nour. Ewe nenien fotek ew neni mi fokkun tichik, me an emon nau nom non ei neni mi sokko seni an Sam me In tumun. Sia sinei pwe iei met a fifis non ekkei fansoun. Wisen Sam me In pwe repwe aninsata ewe nau pwe epwe tongeni marita an epwe imwulo won an tufichin tongeni. Ika ewe nau ese tongeni nemeni pusin an foffor, iwe epwe worchon nemeni manauan. Ika ewe nau a kon nulo an nukumach, iwe ewe muu epwe angei ewe nau seni ekkwe Sam me In.

Ewe muu epwe tonong nefinen ewe nau me ekkwe Sam me In ren aninis, nge ewe muu ese tongeni siwini met wisen ewe Sam me In ngeni ewe nau. Lamalam epwe pwan tongeini awora aninis, nge an lamalam aninis epwe tonong mwirin an ewe mwuu aninis mi tongeni ataielo met urrun mi fich ngeni ewe chon mwanilo. Emon aramas ese wor ren ekkiekoch, ika ese wor an tufichin nemeni mochenin tipan, epwe winiti ew watten osukosuk ngeni aramas meinisin.

Ew mwuu ese nom fan nemenemengaw epwe fisioch ika ekkewe aramas non ena mwuu ra pusin wor ar memefin filata pwe repwe aneasochisi alluk seni pusin filien netiper. Ika aramas rese mochen awena ar foffor ne alleasochisi alluk, iwe epwe worchon aiti ngenir pungun alluk ika epwe fen worchon tumunu chon non ewe mwuu ika rese tongeni fiti pugnun alluk. Mi mo-

---

<sup>1</sup> Written by Jennifer Roback Morse, this article, originally entitled "Parents or Prisons," was originally published in English in *Hoover Institution Policy Review* of August & September 2003. It was translated into Chuukese by Dinah Narrhun with permission of the author. (October 2015)

mong an ewe mwuu epwe achocho ne niapeni ekkewe chon attai alluk, kapach meen ekkewe pisekin tumun mi orofetan fan iten epwe niapeni chon attai alluk pwe aramas repwe tongeni nonom non kinamwe.

An emon me emon tufichin nemeni ar filata ese chok pusin fisita. Ekkiokoch a fisita seni nekukunun emon me emon. A lamot an emon epwe sinei nupwen an mamarita, lamoten me auchean an epwe weweiti nonomun me mefien chon orun. A lamot repwe amarata nikitu pwe repwe engino ngeni ekkewe ekkiek mi tongeni efisata osukosuk, ar engine ngeni osukosuk epwe pwan anisir ne fori mettoch mi murrino.

Ekkei mettoch a akkom fisita lon ewe famili. An ekkewe nau tufichin nom nein aramas a poputa ren ar mamarita ren Semer me Iner. Repwe tongeni kaeo tipechuu, nukunuk, me memefin amafel ngeni chon unukur. Nupwen epwe ngaw fetanin ekkei aninis, ewe nau epwe marita non an nipwakingaw epwe pwan kuu ekkewe aramas unukun. Osukosuken emon nau a feito seni an ekkewe in me sam rese nom fengen non ewe family. Ekkei nau ese unus ar family ir ekkei ra tongeni efisata ekkei osukosuk.

Ika ruemon Sam me In rese anganang fengen ren amarina ar we family, ewe nau epwe marita nge esap sinei sokofesenin amamafel, tipechu, me tufichin filata. Ika ewe nau ese kaeo ekkei mettoch an a mamarita, iwe ewe muu epwe tonong me epwe sotuni ne aiti ngeni. Ewe nau epwe kanapus, ika fotek. Me ikena ewe imwen fotek a ani ewe wisen Sam me In ngeni ewe nau.

Ewe kaeo ren mamaritan emon semirit non ew family mi osukosuk a usun porousen nom ngeni ekkoch. Nupwen an ewe fefin Barbara Defoe Whitehead a itefoulo ne apasa pwe "A pung ren Dan Quayle" (Atlantic Monthly, April 1993), aramas ra kuna pwe manauen ekkoch nipich mi nounou, ese mwar usun met kachito ra akuna ngeni aramas. Ewe mwan David Blankenhorn's a makkei ew puk usunekkewe ese *wor Semer non Merika* (Basic Books, 1995) a porous ew muu mi mamar ren nonmun family. Ei mwan Blankenhorn a kapas non ewe mwichen chon Merika pwe an mamarita non manauwan a feito seni an nonom ren seman we chok.

Ekkoch chon kaeon usinporouen nonmoun aramas ra apasa pwe an emon Sam ika In pusin filata pwe epwe nipich a tongeni kuu nonomun aramas. An emon me emon filata pwe epwe nipich non an amarata noun a tongeni kuu nonomun chon orun.

Mi wor ruu kinikinini ei porous. Auein, porousen mamaritan emon nau fan tumunuwen emon Sam ika In. Ewe oruwan, usun porousen mamaritan ewe semirit epwe ochu fefeitan ewe muu.

### **Porousen Ikenai**

lei usunmet mi fis non porousen echo simpung itan "*San Diego Union-Tribune*. A serenei non ew aunungat ne seponon Sanewery. Emon chon mas a niapeni ruemon aat ra sotun oturano ar kapich non ewe nenien kapich an ewe neni mi tit ewe chon mas a mamasa. Ewe chon mas a kun efoch usun ita efoch peche me itiu me non ewe tuken kapich ekkewe aat ra sotun monelo. Ewe chon mas a ereni ekkewe aat pwun epwe katon metewe masowen non ar we tuken kapich, nge ekkewe aat rese mochen. Ewe chon mas ese wor an pwung an epwe arestinir. Ewe chon mas a chok angei nampan war we me a kokori polis.

Masouen non ewe tuken kapich, ekkoch kifetin inisin inen ekkewe aat. Ekkewe aat ra fiei chioren iner we, ra tunu uwan me poun me ra moneno non ew pwang non Orange County. Ekkei aat ir pwipwi. Ewe watten me near a 20 ierin. Seman atei a pusin angei manuan nupwen ei aat mi chok emon monukon. Ewe emon aat 15 ierin. Seman atei a su seni iner we. Nupwen a

mak porouser ei, ewe wate itan Jason Bautista a kanapus nge epwe baking won \$1 minion. Ewe kukkun aat, Matthew Montejo, a kanapus non an kukkun nenien kanapus.

Me mwan porousen non ewe simpung ese nonno. Non ewe nius ew itelap a apasa, samonun fonu a mochen 20% katen pwachet. Ei samolun fonu a a nemeni ewe nenei itan Oceanside, ikewe ekkewe ruemon pwipwi ra sotun ne kapichieno inisin iner we ie. Pwan non ew neni itan Vista, ewe samonun fonu a kapas usun " Ekkoch kat mi anonon." Non pwan ew neni Carlsbad, ra eita ngeni ar we pekin moni pwe, " Och iei, nge spongaw nesor me ponon." Ekkei samonun fonu ra kapas won ekkei pokiten a weires moni tongong non sopwur keei seni an ewe Governor Gray Davis seni California a katei ar monien anninis. Ei Governor a akukunatiw ekkei pekin moni ren pekin aninis ngeni nap ngeni kinikin non an we muu meinisin, nge nusun ewe Imwen Kanapus.

Ekkei seni ekkei nius, inamwo ika a sokono kunokur me fansour ar peres nge ra annetata ew porous mi pung. A watelo kirikiringaw mi feito seni ekkei kukkun anuwon resamwo mwan. Ei osukosuk a awatelo chommongun chon non kanapus. A osukosuka ekkoch pekin aninis. Awewe chok ren ekkewe pwipwi Bautista pwan fiti ekkoch chon atai alluk me lukur, ir popun a wateno osupwangen mwuu pokiten ar foffor mi ngaw.

Pwan ekkoch porousen ekkoch aramas mi fori osukosuk porouser a chok nono ngeni ewe porous mwan. Alex me Derek King, ierir 12 me 13 ra patani semer we nupwen a mour tori an malo, iwe ra keni ewe imw pwe repwe ataelo pisekin pwarata. Inenapen ekkei at su senir a tori fisu year me mwen a fis ei foffor mi ngaw. Derek a nonom fan tumunuen pwan ew famili non fitu ier nge a ei famili a nikitano atei pokiten an atei sani ne kunou ngeni ekkei. Malon ewe sam a fis ruu maram mwirin an Derek a niwiniti seman we.

John Lee Malvo, emon chon aninis non ewe Beltway Sniper case, a tori Merika fitifengen me inan we ir seni Jamaica. Wesetan seman atei ese kuna seni non ewe ier 1998. Inen atei a kamwet ngeni emon mwan itan John Allen Mohammed, me ei mwan a mwuuti ewe aat. Atei Mohammed ese fat ika I ewe chon pek are I meinap non ei keisin pek, atei ese pwan nometiwi seman seni nekukunun. Porousen atei Mohammed, inan a malo nupwen atei mi chok kuku, iwe seman chinap me tenian inan ra tumunu pwe seman we ese nomengeni.

Ekkei porous usun met mi fiffis ra ataelo fansoun mi lamot ngeni ekkoch mettoch mi lamot. Usun porousen ewe familien Bustista, ekkoch porous repwe tongeni tonong me siwini pwe ewe popun a fis ei lapalap esap pokiten ei family a etto seni an ekkewe Sam me In rese nomefengen. Epwe pwan piita porousen an ei family urir semwenin tuppun ika an ewe inenap awata ngawei noun nupwen ir mi chok kukkun. Ekkei napanap epwe piita pwe ir pwan popun an ewe semirit maarita me fori mi ngaw. Mi fat pwe ekkei lapalapan nimanau ra pop seni aat ese wor iner, me ra mamarita ikewe ewe sam chok a wisen tumunur. Sipwe chechemeni pwe ekkei porous esap siwini ewe ekkiek pwe pisekin pwarata a affata pwe ekkei foffurungaw ra popuseni an Sam me In rese non fengen ar repwe anisata mamaritan nour kewe.

### **Ekkoch Pisekin pwarata**

Pungunon ekkei pisekin pwarata a affat non chommong an aramas kao. Ewe porousen pwarata seni National Fatherhood Initiative's "*Porousen semenap*" a katou non ewe ier 2002 seni chon fori Wade Horn me Tom Sylvester. A pwan katowu non ewe nius itan *Journal of Marriage and the Family* non May 1996. Ekkewe chon chosani ei porous iter Chris Coughlin me Samuel Vuchinich ra aporousa pwe an emon mamarita non ew imw ikewe ese unus Sam me In

non, a efisata an emon semirit epwe poputa an nukumach seni an ier 14. Pwan ekkoch chon kaeo usun porousen nikinikin aramas iter M. Anne Hill me June O'Neill, ra kuna pwe ekkoch anuwon ra poputa ar foffor mi ngaw nge ir ra feito seni family rese nomefengen iner me semer.

Ekkei pekin kaeo, ra annetata pwe mi wor ekkewe popun an emon foffor a fisita ika ra feito seni ew family rese nom ewe Sam ika In non. Ika emon fefin mi nounoun nipich ese tufich usun emon fefin mi wor punuwan, iwe osukosken noun kewe epwe feito seni ar osupwang. Nge, mi pwan wor ekkoch porous pwe ekkoch aat ir mi marita me nukun family mi unus, ir ra pwan tonong kai non imwn fotek.

Pwan ewe pekin kaeo a apasa pwe ekkewe semirit ir mi nom non an sarafo kanapus ra feito seni famili mi chok okosukosuk iteitan. Ew kaeo a feito seni ewe "Family Status of Delinquents in Juvenile Correctional Facilities in Wisconsin," a annetata pwe 13 percentin ekkei sarafo mi kanapus ra feito seni famili wesetan iner me semer ir mi nonomfengen. Pwan ew 33 percentin ekkei sarafo mi kanapus a pwaata pwe iner me semer ir mi nomofesen ika muufesen, me 44 percent ekkei sarafo, iner me semer rese mwo apupunu. Ew porous minen non ewe ier 1987 porousen "*Sarafo mi nom non Kanapus*" a feito seni ewe imwen kapwung, a pwarata pwe 70 percentin ekkei sarafo ir mi feito seni famili ese unus, ika ese nom emon iner ika semer nupwen ar mamarita, ra tonong non ekkei nenien kanapus an sarafo pokiten ar nukumach.

### **Porous mi kanefengen**

Mi wor ekkoch porousen mi weneiti family ese unus me an emon foffor mi ngaw. Mi afat pwe nonomwnun ew me ew family mi sokkono. Ruemon Sam me In ra tongeni angangfengen ne katonoch me aiti nour kewe me repwe fori. An ruemon angang fengen ne tumunu nour kewe a sopoch nap seni an emon. Nupwen emon mi chon foforingaw a sopweno an fofor nge ese wor chon aupungu, ei fofor epwe sopwosopw tori an a weires an ekkoch repwe apungu.

Usun chok, nupwen esap naf an in me sam kait ngeni nour kewe, ekkei semirit resap sine non sukun, me nap ngenir ra feito seni sam me in mi nomfesen. Ekkei sokkun family rese anamota an nour kewe lessen seni sukun me ekkei semirit repwe pwan poputa me chipwang ne fori ar lessen. Ei napanap a tongeni efisata an ewe nau epwe ngaw nampan non sukun me epwe efisata an esap awesi sukun. Nupwen emon ese awesi sukun, epwe pwan tongeni awora ngeni an epwe attai alluk. Pwan ekkei chon tou me sukun, nupwen repwe nometiw non iimw akanemon, repwe pwan tongeni kuna chommong fansoun ar repwe attai alluk. Saingonon, kaukun ekkei family ese unus non ew me ew sop a pwarata pwe pwan me ikkena epwe watte repotun fofforungaw me atai alluk. Emon mwan itan Wayne Osgood me Jeff Chambers ra apasa non nour we puken porousen *chon atai alluk*, pwe a fis an emon atai alluk pokiten seman ese nomngeni. Ar atai alluk a nap seni an emon mi feito seni familien osupwang.

Ekkei porous a mecheres ach sipwe weweiti. Emon semirit esap tongeni amarata an epwe sinei nonmun ew muu ika a marita non ew family ese unus, me ewe family a work chon atai alluk non. Ewe semirit esap tongeni pachengeni ewe emon sam ika inenap ese nomengeni seni nekukunun. Pwan ika ewe emon sam ika inenap a chok riafou me oskosuk iteitan nge ese wor an fansoun ngeni ewe nau, iwe ewe nau esap pwan pacheoch ngeni. Ekkei sokkun semirit rese sine pacheoch ngeni emon ra feito seni neni ia ra wano semirit ese wor wesetan iner me semer repwe tumunur. (An Derek King ekiek)

Emon semirit ese sine an epwe fitipach ngeni emon, epwe tongeni wilit emon mi man-angaw, ei sokkun aramas ese pwan ekieki mefien ekkoch, ese wor mafel ren, me a ekieki pwe

epwe tongeni su seni an osukosuk. Inenap me monukon ra efisata ara pacheoch nupwen ra nomefengen. Nupwen ewe inenap epwe fori mochenin ewe monukon, iwe ewe monukon epwe pwan kinamwe fan tumunuwen ewe inenap. Me ikena ewe monukon epwe mefi nukunuk won inan we. Epwe pwan kaeo usun mokutukutun aramas me epwe nukunuk non an mamarita. Epwe kaeo an epwe tongei chon orun. Ewe monukon epwe pwan sinei an epwe tongei inan we me an inan we tumunu. Ewe monukon epwe sinei an inan we tong me tumun ngeni.

Ei sokkun foffor nefinen ewe in me ewe monukon a amonata an ewe monukon epwe mamarita lon an epwe weweiti met mi murinno. Nupwen a wateta, epwe pochokuneno, me inan we epwe auku met ewe noun we epwef fori, esap chuen kon ekipatei me anisi an esap tori osukosuk. Ew pom inan we epwe aea, epwe tongeni ekieta fotun pwe epwe aiti ngeni noun we pwe esap meseapat. Nupwen a wateta ewe semirit me a wiliti ierin sarafo, ewe inenap ese chuen nomengeni an epwe pii. Ewe nau epwe tongeni chechemeni met inan we a ani fon ngeni. Ewe nau esap kon chechemeni met ewe Sam me In ir mi eani fon ngeni pokiten epwe pusin fotonong non an ekiek ew mongungu epwe achema ngeni iteieitan, "Sise kan fori ena mettoch." Epwe wor an memefin mafel.

Non ekkoch famili ekkewe Sam me in repwe tongeni wineni ewe kitir nefinen mamarin ewe nau me an ewe nau mefi mafel. Nupwen ewe nau a tori ierin watte, epwene tongeni wor an ekkiek an epwe pusin filata met epwe ochu non manuan. Ika ese wor ei ekkiek ren iwe epwe wor chon mamasa itieitan. Pokiten epwe tongeni sola me ouasacha met epwe ani foffor mi ngaw. Esap kon watte manamanen emirit won ei sokkun aramas. Ei aramas epwene poputa ne akapacha met epwe eani fofor mi ngaw murin me ifa usuan resap kuna.

Ika ekkew sam me in rese nuno ar soun awata ewe nau, iwe ewe nau epwene poputa ne ekkieki met epwe fori mi ngaw. Ewe nau epwe ekkieki met sokkun nukumach epwe fori nge epwe nuno seni ewe me mwan. Ewe nau epwe ekkieki pwe esap wor niwinin an fofor, pokiten ese wor ewe memefin mafel ren. Ita ururn ewe nau epwe eani ewe sokkun ekkiek, " Ngang emon aramas upwe ukutiw ne eani ekkei sokkun foffor."

### **Semwenin tupu me Mwirimwir**

Eu pekin kaeo a annetata pwe ekkewe famili mi urir semwenin tupu seni lom a awora ewe memefin atai alluk an epwe nonom non ekkiekir. Aramas mi urir semwenin tupu ra pwan tongeni wiliti nipich. Ekkei sokkun aramas mi wor ar osukosuk non ekkiekir a pwan tongeni fori ar resap pupunu me likitu tam ngeni chiener we.

A pwan wor ekkoch pekin kaeo mi chosani nefinen emon mi nipich mi nounou me ekkoch sokkun semwenin tupu me ekkiekin emon me emon. Eu pekin kaeo seni Swedish an Gunilla Ringabck Weitof, Anders Hjern, Bengt Haglund, me Mans Rosen a katou non January 2003 non ewe Nius itan British medical journal *Lancet*, a porous usun met epwe fis ngeni ekkewe aramas rese nom fengen Iner me semer nupwen repwe wateta. Ei pekin kaeo a kaeofichi usun porousen famili mi wor ar semwenin tupu seni nom. Ekkoch sarafo seni Sweden , rese nom fengen iner me semer, ra aea safeien opuchopuch, unumong sakau, me ra ekkiekin pusin angei manauer, me ra pwan wor ar semwenin ekkiek. Ekkei chon kaeo rese tipi ngeni ar kewe newo pwe ir popun a tori ekkei sarafo ar osukosuk mi sokkopat.

Pwan ew pekin kaeo a feito seni chon British, emon mwan itan Andrew Cherlin me ekkoch chiechian ra kapas non ew pekin taropwe itan *American Sociological Review* minen April 1998. A kapas usun met a fis ngeni emon me emon nupwen epwe nonom non ew famili ese unus me

ika a wor an osukosuk lon letipan, me met epwe fis ngeni emon non an mamarita non unusen manauan. Ekkei chon kaeo usun porousen aramas ra kuna pwe nupwen ruemon repwe mufesen a efisata chommong osukosuk usun weiresin non letip, niw, an emon uwesiti mettoch, ekkei osukosuk a tongeni nomotam won emon me emom mi eani ekkei sokkun osukosuk. Pwan ew, ekkei sarafo mi eani ekkei osukosuk repwe fokkun nukumach me aneasonap nupwen ar mamarita.

Watenon an aramas foffor mi ngaw a punguno non an chon Merika pekin kaeo, a pwata non an atekei kaeo iter Michael Workman me John Beer non ewe ier 1992, ar ei pekin kaeo a affat non *Repotun ekiekin Armas* me an emon fefin kaeo itan Nancy Vaden-Kierman non ewe ier 1995 an neminei ei porous a nom non ewe *Journal of Abnormal Child Psychology*. Mi fat pwe esap sokkun fofforun akkachofesa meinisin a efisata an emon wiliti emon chon atai alluk, nge mi pung ach sipwe apasa pwe an emon foffor mi ngaw a efista an emon epwe atai alluk.

Ika aramas rese tongeni nemeni pusin ar mochen nge a selo, iwe ina otun aninis seni nukun epwe tonong pwe epwe anisir. Ei sokkun aninis a fokkun momong me esap pwalo ngeni aramas chommong. Ewe famili chok epwe kuna ukkukun mowaten ei angang. Emon inelap mi nipich epwe tongeni tungor aninis seni inan me seman ika aramasan kewe ika pwe a wor emon noun mi soun atai alluk nge ese tongeni kauno. Me ikena, chon ewe eterenges meinisin repwe siwini ar kikkot pwe repwe wanong non ar kokot ifa usun repwe anisi aramaser we mi atai alluk. Ewe eterenges epwe achocho ne anisi ewe chon atai alluk pwe rete pwan pachenong non an ewe chon atai alluk tipis.

Ika ei aramas ese wesilo ne fori met mi ngaw ren an atai alluk, iwe me ikena ewe muu epwe tonong pwe epwe anisi ewe chon atai alluk. Ekkei aramas esap chon ewe eterenges repwe sotuni ne anisi ewe chon atai alluk. Ekkei aramas ir polis, chon masen kanapus, chon angangen muun, chon angangen alisi mi osukosuk non chamwer, sou kapwung, chon angangen kapwung, me io mi weneiti an angang pwe epwe anisi emon me emon chon atai alluk non tetenin ierin emon me emon me ifa kaukun an emon me emon tipis. Ekkei chon angang repwe kamo nupwen repwe ani ei sokkun angang, nge ekkei moni a feito seni an ewe chon atai alluk famili ika seni an chon meeni takises. Nupwn mwuun epwe angolong, iwe niwinin ekkei aramas ese pwau ngeni chon nukun.

Meen emon me emon chon atai alluk mi fokkun mommong. Non California, awewe chok, ewe monien ewe nenien kanapus a kapacheta seni non ewe ier 1960. Non ewe ier 2002-2003, ewe imwen kanapus a efista 6 persenin an ena neni moni ika fen lap seni \$5.2 billion, ei ukukun moni a wate lap seni met a no ngeni pekin transportation. Nge inamwo ika California a kateno ekkoch pekin moni ngeni ekkoch ekkewe pekin muu me aninis, nge ese kateno ewe pekin moni mi no ngeni ewe nenien Kanapus me a fen kapacheta won ukukun \$40 million.

Ekkoch aramas ra apasa pwe ekkei pekin moni mi wateta ra feito seni pekin politics. Ewe Califorina Correctional Peace Officers Association ir ew mwich mi watte ar aninis ngeni an ewe Governor pekin utut. Ekkei pekin moni a pwan no ngeni aninisin ekkoch pekin non ewe muu. An emon eani ewe angangen masa Kanapus ese mecheres, nge usun met ra apasa, pwe emon epwe wisen fori. Nap ngeni ekkei imwen kanapus ra nom non neni mi nikinikingaw, me monolo me aramas rese mochen no angang ie. Awewe chok ren ewe imwen kanapus mi tichik itan Pelican Bay a nom asetan non California, a fokkun torotorongaw nenian. Ei kanapus an mwan chok ra nouni emon docterin fefin pokiten ese wor chon mochen angang ie.

Nge inamwo ika ekkoch ra apasa pwe ei meilap itan Davis a kon pacheoch ren ekkei chon anisi non an we utut ina pwata ese kauk moni mi no ngeni ewe pekin kanapus. Ewe pekin sense a pwan wate ar aninis ngeni ewe mwuu non California nge ir mo mi pwan katelo ar pekin aninis won moni. Ewe Nenien Kanapus a nounano \$26,700 ngeni emon me emon chon kanapus iteiten ier. Mi elet pwe ese wor epwe mochen an Goveror epwe amwusawu chon atai alluk fani iten an epwe seifini monien ewe mwuu.

Ekkoch aramas ra pwan apasa pwemoni mi nounou fan iten ewe Kanapus a wateta pokiten ekkei chon atai alluk ra kon nukumach me a namot ewe imwen fotek epwe tichik. Ekkei sou kaeo ra aporousa usun ew alluk itan "Fan ulungat tou" ei alluk a menapei an emon chon atai alluk epwe nomofoch non kanpus nupwen epwe atai ei alluk fan ulungat, ese pwan nifinifin ika mi watte are kukkun ewe tipis. Pokiten ei alluk, epwe wor ekkoch chon kanapus ir mi chok ierin sarafo repwe nomofoch non iwen kanapus non unusen manawer, nge chon meeni takises repwe wisen meenir.

Inamwo ika ei alluk mi fokkun tichik, nge sipwe chechemeni ewe alluk itan Fan ulungat tou me pwata a fisita ei alluk: Richard Allen Davis. Awewe chok ren porousen ewe chon awata emon aramas itan Polly Klaas, ewe chon nielo ei aramas a fokkun chommong sokkun an foffor mi ngaw ese kauno seni. Ei aramas a keran chok tou seni Kanapus nupwen a sonani ei aramas itan Polly seni imwan we me a nielo. Non ewe imwen kapwung, ei chon atai alluk ese pwarata an mafel ren ewe tipis a fori, ei aramas a pupuchor ngeni inen me semen ewe aramas a nielo, me a akouner. Ekkew aramas non California ra mefi ar mangaw me ra tipeew ngeni an ei sokkun aramas mi atai alluk esap fokkun tou seni imwen fotek.

An ei aramas Richard Allen Davis ei osukosuk a fis pokiten an famili ese unus. Inan me Seman ra mufesen nupwen atei ar ierini tiu. Mwirin ar mufesen, atei ese chuwen kukuna inan we. Seman we ese pwan nonometiw ren noun kewe me a lap an nikitireno ren pusin inan we ika emon nein punuwan kewe.

Kich aramas sipwe pwan pusin eisini kich ewe kapas eis fan iten chon moni takises: Ika pwe ekkwe sarafo mi nonom non imwen kanapus, nge ar foffor mi ekis och me ir mi tongeni miritino, iwe ir mi tongeni niwiniti ar repwe sopweno ar sukun nap seni ar repwe nom non imwen fotek me anapano an chon moni takises meeni takises. Sipwe tongeni kuna ponuwen ei kapas eis ren ach anonofengeni moni mi tonong faniten emon chon kanapus me moni mi katowu fan iten sukun.

Ewe nenine sarafo mi kanapus no California iei an chon California nenien fotek fan iten sarafo mi mwanino. Ei pekin mwuu a angang ngeni ekkei sarafo ne anisir ar repwe tonong non sukun me pwan kaeo ekkoch pekin anisi ren atufichin manauer. Ewe mwuu a meeni ukukun \$49,200 faniten emon me emon ekkei chon kanapus iteiten ier won ekkei pekin aninis.

Ika pwe emon ekkei sarafo epwe tongeni siwini nonmun me a nipwakoch ne uta won an, iwe monien takises epwe chok tori \$8,568 iteiten ier, nge ei sarafo epwe tongeni awesi sukun seni k-12. Ika epwe no ngeni College memeen epwe tori \$4,376 ika esap tori esop ukukun ewe moni mi tou faniten ewe nenien kanapus an sarafo. Ika epwe no ngeni sukun tekia, moni seni takises epwe tori \$17,392. Sipwe ekieki ukukun an ei mwuu epwe tongeni isois watten moni fan iten ekkewe sarafo mi mochen awesi ar sukun me imwuno won ar pusin nemeni mwokutukur nap seni an emon epwe chok mamasa met repwe fori iteitan ar nom non kanapus.

Nupwen emon epwe awesi an sukun, epwe pwan wato moni tonong ngeni ena mwuu pokiten ekkei chon sukun repwe awesi ar sukun me repwe angang me winiti aramas mi

nipwakoch. Mi pung pwe moni mi no ngeni ewe imwen kanapus ese watte lamotan an epwe siwini manauen ewe chon kanapus pwe achok fotekilo. Ekkei pekin aninis resap lamot ika ewe chon kanapus ese tongeni siwin.

### **Statistic and Probalities**

Ekkoch aramas repwe apasa pwe ir mi sisinei ekkoch nau ir mi up seni famini ese unus nge ar foffor mi murrino. Ekkei sam me in ir mi tongei me tumunuochu nour kei inamow ika ir mi anaemon ne tumunur, me ekkei semirit ra marita non ar foffor mi murrino. Nge ekkoch resap tipew ei ekkiek. Epwe pwan wor mefien ekkoch won ei porous, repwe tongeni era pwe mi fen chommong semirti mi marita non ar atai alluk pokiten an ese unus ar famili. Epwe wor emon inenap mi unusen tongei me tumunuochu noun non an mamarita, nge nupwen ewe semirit epwe wiliti emon sarafo iwe a siwin nikinikin me a wiliti chon atai alluk. Ika fen ewe inenap emon mi murrino, nge ese wor an fansoun ngeni noun we pokiten a wor noun kamwet me a chok aunusa an fansoun ne ekikei an kewe osukosuk. Inen me semen ei fefin repwe mefi ar noninen pokiten repwe mefi pwe noun neminei kei repwene wiliti aramas mi atai alluk.

Mi pwan och sipwe sinei pwe ekkoch pekin esissin ese fisi ngeni met ewe ra ekkoch ra apasa pwe epwe fis. Ese pung ar repwe era pwe iteiten nau mi feito seni famini ese unus, ir ekkewe chon atai alluk fansoun meinisin nge ewe nau mi mamarita non famini mi unus eseap tongeni atai alluk. Sipwe tongeni apasa pwe chon marita non ew famini ese unus me rese apupunu ekkewe sam me in, ina met epwe efisi an ewe nau epwe marita me wiliti emon chon atai alluk.

Pwan usun chok, ekkoch mi atai alluk a fis ngenir osukosuk pokiten a urir semwenin tupu. Ekkei sokkun chon atai alluk a fen kon watte ar angangen tipis, inamwo ika iner me semer kewe ir mi nonnom ngenir fansoun ar mamarita.

Fan ekkoch epwe pung pwe fis an emon atai alluk ika pwe a feito seni famini ese unus. Usun chok an emon ese awesi sukun, epwe pwan tongeni wiliti emon chon atai alluk. Ewe porousen mi feito seni an emon chon atai alluk tou seni ew famini ese unus ese kon fatafaoch. An emon chon atai alluk esap wor mafel ren, iei eu osukosuk mi pung, me epwe murino ika chon ewe muu repwe achocho ne kuta met epwe kukunutiw ren ei osukosuk.

Ren kapas awewe: Nupwen aramas ra kuna pwe unun supwa me ewe semwenin kanser mi riri fengen, aramas ra angang won met epwe tongeni akukunatiw ren ena riri. Aramas mi peen uun supwa ra mefi pwe rese tongeni wes seni unun supwa. Rese mefi namoten ar ra sinei pwe ewe waa afen suu, nupwen emon mi unumong supwa empwe uri kanser. Ekkoch repwe apasa pwe ir mi sisinei ekkoch mi unumong supwa nge ese urir kanser. Fan ekkoch ena porous epwe pung, mi wor armas mi un supwa non fitu ier nge ese urir kanser. Mi pung pwe esap meinsin chon uun supwa ir mi malo pokiten ar unumong supwa.

Nge mi pwan pung pwe mi chommong aramas mi malo pokiten ar unumong supwa, me sipwe tongeni apasa pwe supwa ewe popun chommong aramas ra malo. Mi wor ewe tufichin filata ren emon me emon ika esap mochen uri semwen ran supwa, nge ekkoch mi urir semwenin kanser mi chok pusin urir pokiten mi pusin uri ewe aramas seni non an eterenges. Ren ei wewe, mi lamot chon ewe pioning repwe angonong me awora ar kapasen pesepes ngeni chon uun supwa me aitir met lamoten ar repwe wes ne unumi supwa. Mi pwan lamot an ekkewe aramas mi marita non famili ese unus ar repwe silei pungun ekkei kaeo mi tou fan iten chon atai alluk.



Ese pung an emon epwe apasa pwe ewe mwuu epwe wisen nemeni an emon me emon pupunu, pokiten nikinikin emon me emon. Ewe mwuu epwe aukuku an epwe ngeni aramas ekkoch ekiek ar resap mochen apupunu ika fori an famini epwe mufesen. Ew pisekin awewe a weneiti ewe pekin mufesen pokiten esap tipis in emon me emon.

Mwufesen a aworato chommong osukosuk ngeni ekkewe semirit. A pwan awora riafou ngeni ewe emon ese mochen ewe mwufesen epwe fis. Ekkei aramas ra mochen fori mettoch meinisin fan iten an ewe pupunu epwe sopuspono, nge ie mwo rese tongeni apasanong non fansoun kapwung. Epwe lamot pwe ekkieking ewe mwuu me ewe kapwung epwe itepok me reuepek faniten ei wewe. Ewe kapwung epwe amwuchu an aninis ngeni ekkew rese atai alluk.

Famili a kon auchea lap pokiten a usun ew kukkun mwuu. Ew watten mwuu a fisita pokiten a wor ekkewe kukkun mwu non awewe ren famili. Ew mettoch famili a unusen murino, ese chok fis pokiten a wor aramas non ar repwe chok anini fengen. Famili esap pwan ew minen nemenen mwuu. Ew aninisin fefeit an famili a feito seni an aramas chuchufengen me apochokunen eoreni, nge esap seni an ekkewe mwu me mwicheich akot fengen. Porous mi lamot ew pisekin aninis ren affeitan ochun ewe famili.

Emon fefin mi nipich me mi wor noun epwe lamot an epwe sinei pwe an mefata pwe epwe amarata noun we won pusin an tongeni, epwe efisata an ewe semirit osupwang me esapw awesalo an sukun, epwe osukosuk non manawan me epwe tongeni tonong non kanapus. Emon mi pwopwo, epwe ekieki pwe epwe ngaw an nometiw non ewe pupunu pokiten repwe kuna oskukousk me fan ekkoch epwe wor aningeringer nefinen ekkewe reuemon. Epwe ekieki pwe an tufichin akanemon ne amarata noun we esap kuu maritan ewe semirit.

Fan chommong sa rongorong pwe an emon nipich ew pisekin filata mi och me esap kuw ewe chon filata. A pwan lamot sipwe likitano ewe ekiek pwe an emon akanemon ne amarata ekewe nau ew fofor mi fich. Mi lamot ekkewe sarafo repwe wor ar memefin pusin filata pwe repwe sinei met mi och ngeni fefitan manawer.